

【遠方个人客】劉玉蕉原作

毋知對哪日起勢，屋簷下恬索索咧！打早，大門吉開，心肝斯掛吊等該烏烏个身影，會入目珠來無？地泥下有屎好清無？門一開，探頭看著个係失望，佢等啊等仔，日頭慢慢仔徒步，晟到門檻來咧，空空个烏竇，等毋著佢个主人，佢，等毋著佢个人客。

春天，係造物者變奇術个季節。空氣肚還留有冷天个味緒，還較多个係春天个燒暖，清風撩人，在榮榮个花、嫩嫩个葉莖之間流連，蜂仔摺蝶仔也跔等歡喜採蜜！佢帶來生命，該，係毋係乜會帶來遠方个人客？佢日望夜想，出入大門時節，總會探頭看下，祈求該遠方个人客，千萬毋好毋記得自家个舊竇。

一陣吱啲聲對屋簷下傳來，歸屋人躡等出去<sup>1</sup>，頭昂昂看該熟事个身影，舊年个燕仔尋轉來咧，斯停在佢兜舊年結个烏竇肚，兩隻烏烏个頭那探出來，四蕊目珠摺佢兜對看，算係相借問咧！佢兜有摺老朋友見面个歡喜，佢兜用清清亮亮个吱啲聲來回應！過後幾日，屋簷下當鬧熱，觜叮銜泥个烏影，咻下出、咻下落，舊竇个上層，緊沿緊大、緊結緊高，會揆天篷哩啲，阿姆講：「愁麼个，佢兜毋會比你較戇啦！」係啲，恁遠地方尋得著路轉、會起屋戴，還毋會厝下來，佢正經輸恹恹哦！

撈腹个烏竇結到差毋多咧，日時頭兩隻燕仔輪流飛出去絡食，夜來一隻在竇肚，一隻跔在竇脣。阿姆講：「佢兜輪等在該孵卵哦！」正經，成半個月過，斯聽著幼幼个細燕仔聲咧，總共有四隻，烏公摺烏嫲出去尋食該下，佢兜會乖乖在竇肚等，一聽著爺哀銜蟲仔轉竇个聲哨，嘴斯擘大大搶愛食，做爺哀儕一輪過一輪飛出飛入，四張嘴像無底个深坑樣，逐到都嘴擘大大啾啾滾討食，奇怪个係，爺哀仰會知哪隻餵過、哪隻吉食？

細燕仔生幼毛咧，媞媞个頭那殼長下弄啊弄仔探出烏竇來，烏公、烏嫲跔等日頭个腳步還係飛出飛入，無閒直掣。細燕仔一日一日大，臉身个羽毛對灰色慢慢轉成烏金个翼毛該下，烏公、烏嫲斯會半拐半監佢兜學飛，這時節屋簷下盡鬧熱，乜係佢兜當歡喜个時節。慢慢仔，這網細燕仔自家會絡食咧，斯恁樣生命又再過循環一到，生生不息。承蒙這竇燕仔，分佢兜體會著生活中个生趣事，同時乜感受著有阿爸阿姆守顧个幸福。

<sup>1</sup> 躡等出去：音 liungˋ nenˊ chud hiˋ；衝著出去。

110 年全國語文競賽客家語朗讀文章高中學生組（海陸腔）  
編號 2 號

### 【旅行】林貴珠原作

這下個時代逐個人定著有旅行个經驗，對有兜人來講，旅行係放鬆心情，乜有人認為旅行係閃避壓力，對俚來講旅行係人生最有價值个投資。俚想去看俚落泥以外个世界，人無旅行過，毋知世界有幾大，無冒過險，不知好珍惜生命。旅行摻人生共樣，你會緊堵著生份人，對生份到熟識，再過對熟識轉到生份。你行到外國，摻無共樣國家个人接觸後，你會發現：原來 俚生活个空間恁細，有恁多毋識聽過、毋識看過个人摻東西，原來人生做得恁樣過！俚想滿哪仔去旅行增廣見聞，寫出無共樣个人生劇本。

俚最想去爬一座高山，就摻老公參詳，決定在日本換新年號時節去蹶 3776 公尺个高山。打早 6 點全世界想愛熟識佢个人，在山神廟前祈求一路平安，順續做登山个準備，有人買食个、有人翕相个鬧熱煎煎。涼涼个山風唸等逐儕个面頰卵，歡迎大家來遶祭，踏等快樂个腳步來到半山排，看著佢脫忒青溜溜个衫褲，換著豬肝色个火山石禮服。下晝四點俚兜爬到 3200 公尺，在翕熱个七月，山頂斯伸著零下 2 度，大家就落到山屋休息，到半夜 11 點半再過出發爬最尾一段山路，在星仔摻月光做伴下踏出成功个腳步，俚牽你、你拉俚互相扶持，蹶上日本最高个位所時節，早斯汗流脈絡咧。上山个路彎彎幹幹，像人一條金那那个龍，纏等山崗鑽落雲海裡肚。臨天光山風颼颼滾<sup>1</sup>，大家齧等牙根摻冷風拚輸贏，等到日頭洒出雲海，黏時射出晟眼个日頭絲，箭到人目珠強強擘毋開。佢著等紅啾啾个

禮服摻大家攞手講恁早，大家感動到目汁摻汗水斯分毋清，這係俚這一生人看著最闊、最遠、最錫人个景緻，一輪火山口過後就下山，完成這擺艱難个挑戰。

旅行个重點毋係去幾多地方，看過幾多錫人个風景，係旅行轉來過後，自家改變了麼个，有兜个風景，你係無企在高處來看，毋知佢幾錫人；有兜个路無去行過，定著無法度感受有幾靚。每一擺旅行都有佢个意義，對俚來講透過旅行做得尋著真實个自家，旅行乜分俚个生活改變盡多，無論係對旅行个看法，抑係對人生个態度，旅行係一種拂毋忒个甜蜜回憶，盡錫人尋味。

<sup>1</sup> 颼颼滾：音 siu siu gun'；風吹過聲音。

110 年全國語文競賽客家語朗讀文章高中學生組（海陸腔）  
編號 3 號

### 【毛蟹】邱一帆原作

日頭下，圳溝肚，脣頭个石縫仔，伸出毛蟹个兩支大夾，大夾面頂絨絨个毛，分流水梳到一條一條，對清清个圳水面頂看下去，仰般條理清楚。阿明輕手輕腳打水尾，一步一步行兼該石頭縫，黏皮手一抓，恁堵好！手指嘎分毛蟹夾著，目珠窟一下灌入大水，痛到緊喊阿媽哀！

毋盼得放過毛蟹，阿明盡命拈愛膠毛蟹拉出來，毛蟹也死命拈退落深深个空肚去，阿明个手毋知仰般嘎分空肚石縫卡著，無法度再過伸落去，也無法度膠毛蟹拉出來，出入就毋得。仰結煞？阿明用盡歸身个力，尿就險險洩出來，正膠該支左手擲出來！該載正得，手伸得出來，毋過，手指嘎夾著一支毛蟹夾——毋著！係分毛蟹夾夾著，毋得賊正著，這擺該死咧！

夾到纏纏个毛蟹夾，害阿明痛到會死，佢目汁含等，遽遽用正手兩指，強強膠夾仔掙<sup>1</sup>下來，手指面兩點分毛蟹夾著个痕，清清楚楚、積血積血！阿明心肝肚想：「捉毋著毛蟹，毛蟹夾也毋好打爽！連蝦公共下帶轉去炒，膠肉挖來食，再過膠佢个毛刮忒、串肥料線，拿來做夾仔搞，分人經驗一下分毛蟹夾著个痛……」。

阿明當記得，三十零年前還讀國小時節，分毛蟹夾著个這隻故事！三十年前，小南埔莊外个大河壩、外崗圳、中央圳、莊項个圳溝、脣頭个坑壩，阿明對水頭到水尾哪位就有行過，哪位就有搞過。佢長下看著毛蟹、釣著毛蟹、食著毛蟹。阿明當記得，

有一擺落大水、出汶水，佢在坑壩釣毛蟹，毛蟹一擺就兩隻、兩隻分佢釣起來，無一點鐘，就張淦歸錫桶，佢歡歡喜喜攞轉屋家，分阿媽做料理。又有一擺做大水个臨暗仔，阿明看著歸群歸群个毛蟹，蹶上石礮，跔等山溝、山壩行等上……。

三十年前，哪位就有、麼人就做得捉、麼人就食得著，該河壩、坑壩、圳溝肚个毛蟹，走到哪位去咧？三十年後，政府大量對中國進口，廢田地、挖魚塘來畜个毛蟹，講啊著一隻就愛幾下百銀來買，麼人買得起、麼人食得起？阿明實在恁毋解。

<sup>1</sup> 掙：音 dui'；扯。